



KEV SABLAIJ HAU V ZEJ ZOG HAI S TXOG COV TSEV KAWM NTAWV YUAV RAUG KAW

Hnub tim: Hnub tim 13 lub 4 hlis 2009, 6:00 – 7:30 p.m.
Qhov Chaw: Lub tsev kawm ntawv Mark Hopkins
Tus Thawj Tswj Kev Sib Tham: Philip Moore, Lwm Thawj Tswj Koog Tsev Kawm Ntawv
Lwm Cov Tuaj Koom Kev Sib Tham: Cov Tswj Kev Kawm hauv SCUSD: Roy Grimes,
 Diana Rodriguez, Ellyn Bell, Gustavo Arroyo
 SCTA: Linda Tuttle

Cov Lus Nug:

- **Nws muaj li 104 tus menyuam kawm ntawv rau hauv cov kev kawm START no, yuav ua cas rau cov kev kawm no thiab cov menyuam kawm ntawv ntawm no? Cov menyuam no kawm hauv START txog 6 teev tsaus ntuj. Yog hais tias muab txav mus rau hauv Sloat thiab Bidwell, puas yuav muaj tshab thauj lawv mus thiab?**
 Muaj cov kev kawm tom qab kawm ntawv nyob rau hauv Sloat hu li (ASES) thiab Bidwell hu li (CORE), kawm txog 6 teev tsaus ntuj thiab. Tej zaum START kuj yuav raug txav mus rau ob lub tsev kawm ntawv no thiab. Peb kuj yuav txiav txim xav cia START nyob twj ywm rau hauv Mark Hopkins no. Tej zaum mam thauj cov menyuam rov los kawm rau hauv Hopkins tom qab lawb ntawv li no thiaj yuav yooj yim zog rau cov niamtxiv tuaj tos lawv cov menyuam.
- **Vim licas Mark Hopkins ho nyuam qhuav tshwm nyob rau hauv daim ntawv cov tsev yuav raug kaw 3 lub lim tiam los no xwb?**
 Nyob rau thaum lub 11 hlis hnub tim 8, 2008 peb tau txais xov xwm hais txog nyiaj txiag tsis txaus rau cov kev kawm. Lub sijhawm ntawd peb pib siv 30 yam cai tshuaj xyuas cov tsev kawm ntawv hauv SCUSD no. Txhua lub tsev kawm ntawv puav leej raug tshuaj kom meej raws li cov cai no. Peb plaub lub lim tiam tom qab kuj tau muaj kev tshuaj xyuas ntau ntxiv nyob rau sab Qab Zog no, Mark Hopkins yog ib lub uas pom zoo tias yuav muab kaw. Peb tau txais ntau lub tswv yim los ntawm cov rooj sablaj nrog zeg zog los, lub rooj sablaj thaum lub 4 hlis hnub tim 2, 2009 cov Thawj Tswj Phab Kev Kawm tau pom zoo kaw lub tsev kawm ntawv no.
- **Yog li ntawd peb cov menyuam ne?**
 Peb mam rov luj xyuas ntawm qhov kev thauj menyuam mus los.
- **Yuav muaj dabtsi ntxiv rau Mark Hopkins yog muab kaw lawm? Nej puas tau tsom xam zoo zoo txog qhov yuav muaj neeg phem coob tuaj tsim kev kub ntshov ntxiv?**
 Peb tau ua haujlwm thiab yuav nrhiav cov koom haum los ua haujlwm ntxiv nyob rau hauv Hopkins kom zoo rau zeg zog sawv daws. Tej yam kev txiav txim siab yuav muaj xws li nrhiav tswv yim txhim kho los ntawm lub zos thiab lub nroog Sacramento no kom koj tau ntau yam kev pab xws li kev kho mob noj qab haus hu, chaw ua si, chaw ua si rau cov laus, tsev kawm ntawv laus, thiab kev cob qhia lwm yam los ua hauj lwm nyob rau hauv.
- **Pob nyiaj pab “Stimulus” ne?**
 Tsuas tau txais pob nyiaj no “ib-zaug” xwb. Peb yuav paub tsis meej xyov thaum twg peb mam tau txais pob nyiaj no. Pob nyiaj pab “stimulus” no nws tsuas siv tshwj xeeb tau rau cov kev kawm xws li Title 1, Kev Kawm Ntawv Tshwj Xeeb thiab vaj tsev. Nov tsuas yog pob nyiaj tau ib zaug nkaus xwb thiab peb siv tsis tau los ntiav neeg ua haujlwm lossis pob nyiaj no siv tsis tau rau yam uas yuav muaj siv mus tag li
- **John Bidwell yuav ua cas ntim tau 200 tawm tus menyuam ntxiv?**
 Sloat thiab Bidwell ntim tau txog li ntawm 500 tus menyuam. Ib cov xibfwb thiab neeg ua haujlwm yuav raug txav tawm nrog menyuam mus rau cov tsev kawm ntawv raws li phua seb ib lub yuav ntxiv tau coob npaum licas.
- **Nej puas tau soj ntsuam zoo txog kev puam tsuaj rau ntawm menyuam txoj kev xav?**
 Peb yuav ua tib zoo ua haujlwm nrog niamtxiv thiab zej zog kom qhov kev hloov no khiav tau zoo li qhov zoo tau. Peb yuav nrhiav kev pab cov niamtxiv thiab menyuam ib tug zuj zus rau ntawm cov kev hloov no. Peb cov neeg ua haujlwm pab niam txiv “Parent Advisors” yuav hu ib tug niamtxiv zuj zus thiab teem caij nrog lawv sib tham nug txog cov kev hloov lossis kev pab. Cov Thawj Xibfwb ntawm lub tsev kawm ntawv uas txais cov menyuam no yuav nrhiav kev sib tham tos txais cov niamtxiv thiab menyuam kawm ntawv yam zoo li zoo tau thiab tos txais lawv los rau lub tsev kawm ntawv tshiab.
- **Kuv xav paub ntau ntxiv txog ntawm pob nyiaj? Cov chav kawm ntawv ned, ib cha yuav ntim coob npaum li cas?**
 John Sloat tau txais pob nyiaj pab kev kawm hu ua “Quality Education Investment Act (QEIA) no. John Sloat tau txais \$500 ntxiv rau ib tug menyuam kawm ntawv thiab cov menyuam kawm ntawv yuav nyob li qub 20:1 rau cov xibfwb qhia qib K – 3. Cov Thawj Tswj Phab Kev Kawm tau txiav txim pom zoo nce cov kawm qib K-3 mus rau 25 tug menyuam nyob rau ib chav twg kom txuag tau nyiaj. Li ntawd, Bidwell thiab ntau lub tsev kawm ntawv uas tsis tau pob nyiaj QEIA hauv peb koog tsev kawm ntawv yuav raug nce mus ua 25:1 qib (K-3) raws li lub Xeev txoj cai tshiab uas tau rhawv rau cov koog tsev kawm ntawv uas yuav los siv pob nyiaj no nthuav kev qhia ntawv.
- **Puas paub tseeb tias yuav muaj chaw rau kuv tus menyuam kawm rau lub tsev kawm ntawv ntawd?**
 Raws li kev ntsuam xyuas mas yeej muaj. Peb yuav ua li qhov peb ua tau kom tsev neeg tau ua ke. Tshwj xeeb yog hais tias tsis

muaj chav kawm txaus rau tus menyuam ces peb yuav tau thauj tus menyuam ntawd mus rau lwm lub tsev kawm ntawv uas muaj chav kawm seem rau nws kawm. Peb yeej ib txwm muaj li no nyob hauv peb koog tsev kawm ntawv no los lawm tiamsis peb yuav ua li qhov peb ua tau kom tsis txhob muaj qhov teeb meem no. Peb yuav qhib kev Sau Npe Xaiv Tsev Kawm Ntawv rau Hopkins cov menyuam los sau npe xaiv lub tsev kawm ntawv uas muaj lawv qib thiab lawv nyiam mus kawm nyob hauv.

- **Peb txuag tau nyiaj npaum licas yog muab Mark Hopkins kaw?**
Muab tsom xam mas txuag tau \$497,000.
- **Nej puas yuav thauj menyuam mus rau lub tsev kawm ntawv uas kuv xaiv?**
Peb yuav pab thauj cov menyuam kawm qib K txog qib 3 thiab peb tseem tab tom txiav txim hais txog cov kawm qib 4 txog qib 6. Tshaj ntawd, peb yuav muaj tus neeg saib menyuam taug kev.
- **Vim licas ho tsis xaiv lub tsev kawm ntawv uas nyob rau thaj tsam uas cov niamtxiv muaj ntau hom kev sib tos mus los, thiab muaj lwm yam kev sib pab sib txhawb ntau rau lawv cov menyuam?**
Peb npaj tau yuav kaw li ntawm 4 lub tsev kawm li hais no; College Greens, Pocket, thiab South Land Park thiab cheeb tsam sab Meadowview no ces yog Hopkins.
- **Hopkins muaj cov koom haum txhawb zej zog xws li yog txhawb nqa cov Hmoob. Yuav ua licas rau cov kev pab no?**
Peb yuav ua haujlwm nrog cov koom haum no ib yam nkaus li lwm lub koom haum hauv zej zog los ua kom Mark Hopkins thaj tsam no muaj nqis tuaj. Peb yuav ua haujlwm ntxiv tshwj xeeb nrog cov koom haum thiab kom peb tus thawj xibfwb ntawm lub tsev kawm ntawv uas txais cov menyuam mus kawm no tau txais kev txhawb los ntawm cov koom haum no.
- **Cov kev kawm tau zoo nyob hauv Sloat thiab Bidwell zoo npaum licas?**
Peb lub tsev kawm ntawv no cov thawj xibfwb, cov xibfwb, neeg ua haujlwm thiab kev kawm los zoo heev. Txawm hais tias Mark Hopkins qhia tau ntawv zoo lawm los lwm lub tsev kawm ntawv cov kev qhia ntawv kuj siab dua yog li kev txiav txim siab muab kaw kuj yog ib qho nyuaj kawg tiamsis peb xav kom peb cov menyuam mus kawm ntawv rau lub tsev kawm ntawv uas qhia tau ntawv zoo.
- **Yuav tsum muaj lwm txoj hau kev ua kom txhob muab Hopkins kaw tau. Muab hloov mus ua lub tsev kawm ntawv qhia “year-round-education” yuav txuag tau nej nyiaj.** Peb hloov peb cov tsev kawm ntawv “year-round” xyoo dhau los mus ua “traditional” peb txuag tau li ntawm \$500,000 txhiab, nim no cov nyiaj no yog cov los pab tau xyoo no.

Cov lus tham ntxiv:

-
- Cov neeg ua haujlwm hauv Mark Hopkins yog ib cov uas mob siab rau peb cov menyuam. Kuv hnyav siab hais tias kuv cov menyuam yuav tu siab txog yam kev hloov tsev kawm ntawv thiab tsis xav mus kawm lwm lub tsev kawm ntawv.
 - Nws tsis yooj yim rau kuv xa kuv cov menyuam mus rau lwm lub tsev kawm ntawv.
 - Thov pab txuag kuv cov menyuam thiab ... Cov xibfwb hauv Hopkins thiab tus thawj xibfwb Mrs. Reed los kuj zoo heev li.
 - START pab tau kuv tus menyuam ntau heev.
 - Kuv tus menyuam nquag tuaj kawm vim muaj kev pab zoo.
 - Kuv cov menyuam nyuam qhuav tuaj tshiab rau lub tebchaws no, Hopkins muaj kev pab zoo heev, cov xibfwb los zoo kawg li.
 - Tagnrho kuv cov menyuam kawm hauv Hopkins thiab kawm tau zoo heev. Nws yuav nyuaj heev rau kuv cov menyuam ntawm qhov kev hloov no.
 - Peb xav kom peb cov menyuam kawm ntawv nyob rau ntawm peb cheeb tsam.
 - Yuav tsis muaj kev nyab xeeb rau peb coj peb cov menyuam mus kawm tom Sloat lossis Bidwell.
 - Thov txhob kaw Hopkins, nws nyob ntawm peb cheeb tsam.
 - Cia Hopkins nyob nrog peb tsev neeg.
 - Tsis txhob cia peb cov menyuam nyob hauv nruab nrab ntawm qhov kev nyuaj no.
 - Kuv cov menyuam tsis nyiam mus kawm nyob rau lwm lub tsev kawm ntawv thiab lawv tsis tau luag taug kev. Peb nyiam lub tsev kawm ntawv no heev.
 - Lub tsev kawm ntawv Hopkins yog ib lub muaj nuj nqis rau ntawm cheeb tsam thiab tsis txhob muab kaw ua rau tibneeg tag kev cia siab.
 - Peb muaj cov niamtxiv Hmoob sib tham txhua hli nyob hauv lub tsev kawm ntawv Hopkins.
 - Cov menyuam Hmoob kawm ntawv hauv Hopkins kawm tau nce qib zuj zus.